



INATSIARTUT

**Aningaasaqarnermut Nunamullu  
Namminermut Naalackersuisoq  
/MAANI**

Ulloq: 12. august 2013

J.nr.: 01.31.06/13-00634

**Aningaasaqarnermut Akileraartarnermullu Ataatsimiititaliap pingasunngornermi ulloq 7. august 2013 aalajangiineranik Naalackersuisunut ilisimatitsineq (suliaq nr. 01.31.06/13-00634)**

**KNR-imut nutaamut misissueqqaarnissamut atugassanngortitsinissaq.**

Naalackersuisut **inassutigaa**,

kontomi pingaarnermi 80.00.80 Aningaasat suliniutinik aallartitsinissamut sillimmatit, aningaasaliissutit 1,0 mio. koruuninik ikilisinneqassasut, aamma kontomi pingaarnermi 84.40.16 Kultureqarnermut sanaartukkat, nutaamik suliassamut nr. 060.56.003 KNR nutaaq, aningaasaliissutit 1,0 mio. koruuninik amerlisinneqassasut.

**Aningaasaqarnermut Ataatsimiititaliap oqaaseqaatai**

KNR-ip illutaata nutaap pilersaarusiorneqarnissaanut 1 mio. kr.-it atugassanngortinneqarnissaat Naalackersuisut kissaatigaa. Aningaasat kontomit pingaarnermi 80.00.80-imit, Aningaasanut suliniutinik aallartitsinissamut sillimmatinut tunngasumit nuunneqassapput.

KNR-ip maanna illutaani oqoqartoq paasineqarmat KNR-ip aallakaatitsisarfiata sulisuisalu allaffinnut allanut nuutsinneqarallarnissaanut Naalackersuisut ulloq 17. maj aningaasanik qinnuteqarput (01.31.06/13-621). Suliap ataatsimiititaliamit nukingiuullu suliarineqarnissaa qinnutigineqarpoq akuerineqarlunilu. Illu sukumiisumik iluarsaanneqaannassanersoq imaluunniit tamatumunnga taarsiullugu illumik tusagassiornermut atorineqartussamik nutaamik sanaartornissaq isumaliutigineqassanersoq taamani qinnuteqaammi ilisima-neqanngilaq. Naalackersuisut juunip qiteqqunnerani taama isumaliuteqareersimanerat aammalu KNR-ip maanna illutaata iluarsaannissaanut taarsiullugu KNR-ip illutaanik nutaanik sananissaq kissaatigineqartoq aalajangersimammata eqqumiiginarpoq.

Tamanna tunngavigalugu illutat pigineqartut annaanneqarsinnaannginnerat pillugu Naalackersuisut naliliinermi teknikikkut aningaasaqarnikkullu suut tunngavigisimaneraat paasis-sutissiissutigineqassasoq Aningaasaqarnermut Ataatsimiititaliap qinnutigaa.


Qinnuteqaammi matumani suliap allaaserineqarnera malillugu aningaasaliissutit aqqu-tigalugit KNR-ip illutaanut nutaamut suliassamut siunnersuuteqarnissamut misissueqqaarne-rit kisimik suliarineqarsinnaapput tusagassiornermut illumut suliassamut siunnersuummut pinnani, Naalackersuisut tamanna kissaatigaluarpassuunniit. Tusagassiornermut illumut Naalackersuisut qinnuteqaamminni 01.31.06/13-621-mi pilersaarutigisaanni pinnani KNR-ip illutaanik taamaallaat misissueqqaarnissamut Naalackersuisut aalajangeranni isumaliutit

suut tunngavigineqarnersut paasissutissiissutigineqassasoq ataatsimiititaliamit kissaatigineqarpoq.

**Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **akueraa**.

**Ataatsimiititaliaq sinnerlugu**



Finn Karlsen  
Ataatsimiititaliap siulittaasua